

欽定四庫全書

子部

普濟方卷八十二



南京中医药大学图书馆版权所有

詳校官太醫院院使_臣張肇基

編修_臣倉聖脈覆勘

欽定四庫全書

並濟方卷八十二

明

周王朱櫛撰

眼目門
眼目論

大目曰者翳障飛塵等物入於目中也治宜亟出之久
在者於此皆因而傷動則為澀痛淚出古方初眯時
以綿衣筋擦去之或以薑汁或以雞血浮出之皆良

龍目者謂目有飛塵外障者初患之時皆因飛颺塵物

入眼貼瞼皮粘定睛上疼痛隱澁難開木雜等症欲治之時但翻轉眼皮用綿裹針撥出眯物然切宜服藥將息忌口若因此翳膜生急須退之宜車前散補肝訶曰眯目諸般物飛來并濺來貼睛傷瞼皆疼痛復難開綿裏藏鍼撥物出始舒懷因茲翳膜好藥酒却能回

方

車前散

出龍木論

治眯目飛塵外障

車前子

洗焙

五味子

炒

芍藥

各一兩半

細辛

去蘆葉

黑參

茯苓

白者去黑皮

人參

大黃

剉炒

桔梗

剉炒各一兩

右為細末以水一盞散一錢煎至五分食後去滓溫

服

治雜物眯目不出

出聖惠方

用鮑魚頭二枚地膚子半合以水煎令爛取汁以注

目中即出

補肝丸

出龍木論

治眯目飛塵外障

澤瀉

菖蒲

各二兩半

乾山藥

人參

茯苓

防風

遠志

知母

乾地黄

各二兩

右為末煉蜜為丸如梧桐子大空心吞下一十丸

用葉下紅以鹽少許用絹片裹滴在眼中左眼疼

用滓塞右鼻右眼疼塞左鼻如上障用雪裏開并

用鷲不食草些少同前藥搗碎滴汁於眼中滓亦塞

鼻

脂膏

出聖惠方

治一切物入眯目中妨痛不可忍方

取猪脂去筋膜於水中煮待有浮上如油者掠取貯

於別器中又煮依前再取之仰卧去枕點於鼻中不
過兩三度其脂自入眼角中流出眵物即出

治麥芒入目

出本草

煮大麥湯洗之

治沙塵入眼不可出者

出本草

取蜣螂一枚手持其背遂於眼上影之沙塵自出

治眵目物芒入目

出本草

以墨汁點瞳子上

治眯目去刺

出本草

以穿鮑魚繩煮汁洗之大良也

治竹木屑入目不出

出本草

以穿鯁魚繩煮汁洗之良

治目中眯法

出千金方

旦起對門戶跪拜云門戶狹小不足容及便瘥

外物傷目

論

夫目為外所傷輕者因物撞擊胞臉腫痛重者或致目

睛突出但眼帶未斷即內入瞼中急搗生地黃綿裹以
傅之仍以辟風膏磨四旁無使外風乘隙內服除熱治
風鎮驚定痛藥療之若治之失時惡血凝積腐瘀侵睛
致生翳膜鈎割熨烙當隨所宜也龍木論云偶然被物
撞破外障此眼初患之時必然被物悞有打撞瞼胞睛
珠疼痛腫難開宜令鍼洗出血後以爛搗地黃綿裹封
眼然後宜服除風散壓熱飲子口訶曰非理因遭撞破
傷不任疼痛甚慌張瞳人破根念昏濁惡血仍流在眼

眊欲療還須鑱瞼血地黃綿裹密封臧除風壓熱涼湯
飲免使他風致火殃 撞刺生翳外瘡此眼初患之時
因被物悞有撞刺著治療不盡有餘痕積血在瞼背之
中致此生翳如此病狀不須鉤割不須熨烙切須將息大
忌淫慾嗔怒宜人參湯退熱芫蔚飲 訶曰若有撞刺
翳生根治之不盡有餘痕待他痛定徒磨治勸君將息
忌淫嗔覺熱更須將藥壓外風切莫使相因若言此翳
鉤除得知君不是解醫人

方

壓熱飲子

出龍木

治偶被物撞破外障

犀角

鎊

大黃

剉炒

知母

焙

人參

白茯苓

去黑皮

黃芩

去黑心

黑參

各一兩

麥門冬

焙一兩半去心

甘草

半兩炙剉

右為末以水一盞散一錢煎至五分食後去滓溫服

赤芍藥散

出聖惠方

治眼撞打著疼痛

赤芍藥

一兩

羌蔚子

一兩

防風

去蘆頭

川芎

蒿本

桂

心

黃耆

剉

枳殼

人炒微黃去穰

白芷

各二兩

右為末散每服三錢水一盞煎至六分去滓不拘時服

治目睛為物傷疼痛不可忍者

傳信適用方

以牛尿日兩次點之避風雖黑睛破者亦可療

琥珀散

出聖惠方

治眼撞打著瞳人不損目睛有瘀血不

散疼痛不可忍

琥珀

細研

當歸

剉微炒

川大黃

剉碎微炒各一兩

赤芍藥

羚羊

羊角

屑

桃仁

湯浸去皮尖雙仁炒微黃

突厥白

生乾地黄

葉本 各三兩

右為細散不計時每服食後以溫水調二錢

人參湯

出龍木論

治撞碎生翳外障

人參

二兩

黑參

茯苓

白者去黑皮

黃芩

去黑心

五味子

羌活

去蘆頭

細辛

去苗葉各一兩

車前子

二兩半

右為末以水一盞散一錢煎至五分食後去滓溫服

龍鹽膏

聖濟總錄

治沙土入眼痛不可忍腫赤者

鹽

龍腦

硼砂

研

馬牙硝

研

硃砂

研飛過

麝仁

各一

分杏仁去皮尖雙仁

二十七粒

右各研細再同研勻以生蜜和稀稠得所新磁盒盛

用竹筍卧點

瞿麥散

出聖惠方

治眯目不出生膚翳

瞿麥穗

乾薑

炮各一兩

右為細末以井水調服二錢日二食後

治稻麥芒等入目中方

出龍木論

取出蟬蛸再以新布覆目上將蟬蛸從布上摩之芒

著布出良

白魚方

出聖
惠方

治沙石草木入目中不出

以書中白魚取其汁注目中一方以衣中白魚暴乾

為末點

治雜物眯眼不出方

出聖
惠方

以蠶沙揀令淨空心用新汲水吞下十枚勿嚼破

又方

出聖
惠方

治雜物眯目不出

右用桑根白皮取新者一片如筋大削一頭薄令軟

滑可漸漸入眼中撥之須臾自出

又方

出聖
惠方

治雜物眯目不出

用新大麥半合煮汁漸注目中即出

又方

出聖
惠方

用白蓂荷根取心搗絞汁滴入眼中即出

又方

出聖
惠方

用繒帶燒灰細研每服二錢水調服之即出

又方

出聖
惠方

東牆上馬齒莧燒灰細研少許點背頭即出

又方

出聖
惠方

用生粟米七粒爛嚼并唾洗之即出

又方

出聖
惠方

用雞肝中血少許取滴目中即出

又方

出聖
惠方

用豉三七粒以水浸洗目視之即出

又方

出聖
惠方